

3. Administración do Parlamento de Galicia

3.5. Axudas, bolsas e premios

Concesión de dúas bolsas de formación para o Servizo de Publicacións, pola renuncia das beneficiarias e da primeira persoa suplente

Con data do 3 de outubro de 2019 publicouse no BOPG nº 541 a resolución das persoas beneficiarias e da lista suplente das bolsas do Parlamento de Galicia, dándose por cumprido con esta publicación o trámite de notificación, conforme o disposto na cláusula décima no seu apartado terceiro das bases da convocatoria (BOPG núm. 485, do 10 de xuño de 2019 e DOG núm. 113, do 17 de xuño de 2019).

Nesa mesma data, o Servizo de Persoal e Réxime Interior comunicoulles ás persoas interesadas, mediante medios telemáticos, a súa condición de beneficiarias das anteditas bolsas.

O día 10 de outubro, Claudia Iglesias Arriarán, beneficiaria dunha bolsa de Publicacións, presentou escrito de renuncia á bolsa mediante o modelo do anexo IV recollido nas bases da convocatoria (nº rexistro 57639).

O día 14 de outubro, Laura Piñeiro Pais, tamén beneficiaria dunha bolsa de Publicacións, presentou por vía telemática escrito de renuncia mediante o modelo do anexo IV sen a debida sinatura. O Servizo de Persoal e Réxime Interior comunicoulle telefonicamente que debía presentar por rexistro o modelo de renuncia debidamente asinado.

Unha vez transcorrido o prazo establecido na base décimo primeira da convocatoria e ao non presentar a interesada ningunha declaración formal en ningún sentido, enténdese que renuncia á bolsa, segundo establece a base décimo primeira da convocatoria.

A resolución por acordo de Mesa do 1 de outubro de 2019 de concesión de bolsas establece unha lista de reserva para o caso de renuncia das persoas beneficiarias.

Con data do 14 de outubro, Helena Sotelo Domínguez, primeira na lista de suplentes de Publicacións, presentou renuncia á súa condición de suplente (nº rexistro 57639).

Na antedita lista de suplentes de publicacións figuran en segundo e terceiro lugar Héctor Pardo Álvarez e Laura Castro Lorenzo, polo que o Servizo de Persoal e Réxime Interior lle propuxo á Mesa estas persoas como beneficiarias das bolsas de formación de publicacións.

A Mesa adoptou o seguinte ACORDO:

1º. Adxudicarlles dúas bolsas de formación en publicacións a Héctor Pardo Álvarez e Laura Castro Lorenzo, respectivamente.

2º. Comunicarlles esta acordo á Intervención e Asuntos Económicos e ao Servizo de Persoal e Réxime Interior para que procedan á súa execución administrativa.

Santiago de Compostela, 22 de outubro de 2019

Xosé Antón Sarmiento Méndez

Letrado oficial maior

